



REPUBLIKA E SHQIPËRISË
MINISTRIA E ARSIMIT

QENDRA E SHËRBIMEVE ARSIMORE

QENDRA NDËRINSTITUCIONALE E
RRJETIT AKADEMIK SHQIPTAR

Nr. 1908 Prot. Tiranë, më 15 .06 .2026

Nr. 198 Prot. Tiranë, më 05 .06 .2026

URDHËR I PËRBASHKËT

Nr. 108 , Datë 15 / 06 /2026

**PËR MIRATIMIN E KALENDARIT PËR PROCEDURAT E APLIKIMIT DHE TË
REGJISTRIMIT NË INSTITUCIONET E ARSIMIT TË LARTË, PËR VITIN AKADEMIK
2026 – 2027**

Në mbështetje të ligjit nr. 80/2015, datë 22.07.2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, të vendimit nr. 436, datë 03.06.2020, të Këshillit të Ministrave “Për përcaktimin e kriterit të notës mesatare për pranimin e kandidatëve në programet e studimeve të ciklit të parë dhe në programet e integruara të studimeve të ciklit të dytë, ose transferimin e studimeve në vitet e ndërmjetme të këtyre programeve, në institucionet e arsimit të lartë, për vitin akademik 2020-2021 dhe 2021-2022 e në vijim”, i ndryshuar dhe të udhëzimit nr.12, datë 30.06.2023, “Për procedurat e aplikimit dhe të regjistrimit në institucionet e arsimit të lartë”, i ndryshuar,

URDHËROJ

1. Miratimin e kalendarit “Për procedurat e aplikimit dhe të regjistrimit në institucionet e arsimit të lartë për vitin akademik 2026 – 2027”, sipas shtojcës nr.1, bashkëlidhur këtij urdhri dhe pjesë përbërëse e tij.
2. Ngarkohen për zbatimin e këtij urdhri Qendra e Shërbimeve Arsimore, Qendra Ndërinstitucionale e Rrjetit Akademik Shqiptar, Agjencia Kombëtare e Arsimit Parauniversitar, Drejtoritë Rajonale të Arsimit Parauniversitar dhe Zyrat Vendore të Arsimit Parauniversitar dhe institucionet e arsimit të lartë.

Ky urdhër hyn në fuqi menjëherë.

Për Qendrën e Shërbimeve Arsimore

Për Qendrën Ndërinstitucionale

të Rrjetit Akademik Shqiptar

Drejtor i Përgjithshëm

Drejtor i Përgjithshëm

Znj. Aida MYRTO

Z. Arjan XHELAJ



SHTOJCA NR. 1

Periudha/Datat	
Kreu II Procedurat e Aplikimit dhe regjistrimit të Kandidatëve në Programet e Studimeve me Karakter Profesional, në Programet e Studimeve të Ciklit të Parë dhe në Programet e Integruara të Studimeve të Ciklit të Dytë	
A. Procedurat e aplikimit. Raundi i parë	
A. Procedurat e aplikimit Raundi i parë, pika 4	Kandidatët, përpara aplikimit për zgjedhjen e preferencave në portalin e aplikimit universitar, kryejnë pagesën e tarifës së aplikimit në vlerën 2000 (dy mijë) lekë, në zyrat e Postës Shqiptare apo në bankat e nivelit të dytë, nëpërmjet faturës për arkëtim, të cilën e shkarkojnë në portalin U-Albania. Pagesa kryhet deri në 24 korrik 2026 . Pas dorëzimit të mandatit të pagesës, sekretaritë e shkollave konfirmojnë pagesën e kryer brenda datës 25 korrik 2026 , në portalin U-Albania.
A. Procedurat e aplikimit Raundi i parë, pika 5	Në periudhën 27 korrik - 01 gusht 2026 , kandidatët që duan të ndjekin studimet në IAL, përfshirë edhe kandidatët që kanë përfunduar arsimin e mesëm të lartë jashtë vendit, pas pagesës së tarifës së aplikimit, do të aplikojnë në portalin U-Albania nëpërmjet formularit <i>online</i> të aplikimit, mbi bazën e notës mesatare sipas vendimit përkatës të Këshillit të Ministrave për kriterin e notës mesatare dhe kritereve të tjera të përcaktuara nga IAL, duke zgjedhur deri në 10 (dhjetë) programe studimi nga lista e programeve të studimit që ofrohen nga IAL, për vitin akademik përkatës.
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i Parë	
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve Raundi i parë, pika 1	Brenda datës 1 Korrik 2026 QSHA i përcjell RASH-it, në formë elektronike dhe zyrtarisht, listën e maturantëve/kandidatëve, që kanë aplikuar me formularët A1/A1Z, sipas të dhënave të përcaktuara në pikën 1, të kreu II/B, të udhëzimit nr.12, datë 30.06.2023, i ndryshuar.
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i parë, pika 2	Brenda datës 20 korrik 2026 , QSHA i përcjell RASH-it, në formë elektronike dhe zyrtarisht, të dhënat për çdo kandidat, sipas përcaktimeve të pikës 2, të kreu II/B të udhëzimit nr. 12, datë 30.06.2023, i ndryshuar.
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve Raundi i parë, pika 3	Në datat 4 gusht 2026 , IAL që zhvillojnë konkurse/testime pranimit, shkarkojnë nga portali U-Albania listën e kandidatëve që konkurrojnë në programet përkatëse të studimit.
B. Përcjellja e të Dhënave dhe Rezultateve, Procesi i Përlllogaritjes	Në datën 05 gusht 2026 , IAL-të që zhvillojnë konkurse/testime pranimit, afishojnë në mjediset e tyre

së Pikëve dhe Publikimi i Listave të Kandidatëve Raundi i parë, pika 4	dhe në faqet zyrtare elektronike përkatëse, listat e kandidatëve dhe datën e zhvillimit të konkursit. Në periudhën 06 - 20 gusht 2026 do të zhvillohen konkurset e pranimit.
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve Raundi i parë, pika 5	Në datën 17 gusht 2026 , IAL mund të shkarkojnë nga portali U-Albania, për çdo program studimi të ofruar nga ana e tyre, të dhënat për çdo kandidat, sipas përcaktimeve të pikës 5, të kreut II/B, të udhëzimit nr. 12, datë 30.06.2023, i ndryshuar.
B. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve Raundi i parë, pika 7	Brenda datës 21 gusht 2026 , IAL, duke përfshirë edhe ato që zhvillojnë konkurse/testime, afishojnë dhe publikojnë listat e renditjes së aplikantëve, duke përdorur si element identifikimi vetëm ID-në e tyre të maturës, në mënyrë që të respektohen përcaktimet e kuadrit ligjor për mbrojtjen e të dhënave personale. Brenda datës 22 gusht 2026 , IAL ngarkojnë një kopje elektronike të këtyre listave në portalin U-Albania.
C. Procesi i Regjistrimit, Raundi i parë	
C. Procesi i Regjistrimit Raundi i parë, pika 2	Në datat 26 gusht deri 08 shtator 2026 (7 faza 48-orëshe; 26-27; 28-29; 30-31; 01-02; 03-04; 05-06 dhe 07-08), kandidatët, të cilët kanë kryer procesin e aplikimit në raundin e parë dhe janë shpallur fitues, mund të kryejnë procesin e regjistrimit, duke paraqitur dokumentacionin përkatës, në sekretaritetë mësimore të IAL-ve, në programin e studimit ku dëshirojnë të vazhdojnë studimet.
C. Procesi i Regjistrimit Raundi i parë, pika 6	Në rast se, pas çdo faze, konstatohen kuota të paplotësuara, zhvendoset vija e kuqe në listë dhe shpallen fitues të rinj, të cilët regjistrohen vetëm në fazën pasardhëse. Këto faza vijnë deri në plotësimin e kuotave dhe përfundojnë në datën 08 shtator 2026 .
C. Procesi i Regjistrimit Raundi i parë, pika 7	Brenda datës 18 shtator 2026 , RASH përcjell në QSHA regjistrimet përfundimtare të raundit të parë bashkë me kuotat e paplotësuara, në format shkresor dhe elektronik me të dhënat e përcaktuara në pikën 7, kreu II/C të udhëzimit nr. 12, datë 30.06.2023, i ndryshuar.
D. Procesi i Çregjistrimit, Raundi i parë	
D. Procesi i Çregjistrimit Raundi i parë, pika 1	Kandidati, pasi ka bërë regjistrimin me dokumentacion dhe ka nënshkruar në regjistrin e IAL-së, ka të drejtë të çregjistrohet në datat 09 shtator 2026 .
D. Procesi i Çregjistrimit Raundi i parë, pika 2	Sekretaritetë mësimore, në përfundim të procesit të çregjistrimit të kandidatëve dhe dorëzimit të dokumentacionit, përcjellin në portalin U-Albania, listën e kandidatëve të çregjistruar në format elektronik brenda datës 12 shtator 2026 .
E. Procesi i Ankimit, Raundi i parë	
E. Procesi i Ankimit Raundi i parë, pika 1	Kandidati ka të drejtën e ankimit në IAL përkatëse në datën 24 gusht 2026 .

E. Procesi i Ankimit Raundi i parë, pika 2	IAL, pas përfundimit të afatit të ankimimit dhe shqyrtimit të ankesave, pasqyrojnë në format elektronik, në portalin U-Albania, më datë 25 gusht 2026 , vendimet lidhur me ankimimet e aplikantëve.
E. Procesi i Ankimit Raundi i parë, pika 3	Kandidati, pavarësisht paraqitjes së ankesës, nëse është shpallur fitues në një ose disa programe të tjera studimi, mund të vijojë procedurat e regjistrimit. Nëse ankesa është pranuar, ata duhet të çregjistrohet nga programi i studimit (nëse është regjistruar) dhe të regjistrohet në programin e studimit, në të cilin është pranuar ankimi, në datën 11 shtator 2026 .
E. Procesi i Ankimit, Raundi i parë, pika 4	Kuotat e paplotësuara, në përfundim të raundit të parë për çdo program studimi, mund të përshtaten nga IAL-ja në programe të tjera studimi të të njëjtit cikël, të ofruara brenda së njëjtës njësi kryesore, pa kaluar totalin e kuotave për njësi kryesore. IAL njofton zyrtarisht MA për vendimin e Senatit Akademik mbi përshtatjen e kuotave të programit të studimit jo më vonë se 3 (tri) ditë pune nga data e përfundimit të afatit për çregjistrim, për raundin e parë. Përshtatja e kuotave të paplotësuara nga IAL-të kryhet në datat 09-11 shtator 2026 dhe brenda kësaj periudhe njoftohet elektronikisht dhe zyrtarisht Ministria e Arsimit. Në rast se përshtatja e kuotave është sipas përcaktimeve ligjore MA njofton brenda datës 14 shtator 2026 IAL-të, RASH-in dhe QSHA-në, për konfirmimin e përshtatjes së kuotave para fillimit të periudhës së aplikimeve për raundin e dytë.
F. Procedurat e Aplikimit, Raundi i dytë	
F. Procedurat e aplikimit Raundi i dytë, pika 1	Në periudhën 15 shtator - 17 shtator 2026 , do të kryhet procesi i aplikimit <i>online</i> për raundin e dytë në Portalin U-Albania.
F. Procedurat e aplikimit Raundi i dytë, pika 2	Deri më datë 11 shtator 2026 , nga drejtoritë e institucioneve të arsimit të mesëm të lartë, për të gjithë kandidatët që kanë aplikuar me formularin A1 dhe A1Z, hidhen në sistemin SMIP të dhënat e lidhura me rezultatet e shkollimit të të gjitha viteve të arsimit të mesëm të lartë.
F. Procedurat e aplikimit Raundi i dytë, pika 4	Kandidatët, që nuk kanë aplikuar në raundin e parë, përpara aplikimit për zgjedhjen e preferencave në portalin e aplikimit universitar, kryejnë pagesën e tarifës së aplikimit në vlerën 2000 (dy mijë) lekë, në zyrat e Postës Shqiptare apo në Bankat e Nivelit të Dytë, nëpërmjet faturës për arkëtim, të cilën e shkarkojnë në portalin U-Albania. Kandidatët që kanë aplikuar në raundin e parë dhe do të riaplikojnë në raundin e dytë, nuk duhet të kryejnë pagesën e tarifës së aplikimit për

	këtë raund. Pagesa kryhet deri më 17 shtator 2026 . Pas dorëzimit të mandatit të pagesës, sekretaritë e shkollave konfirmojnë pagesën e kryer brenda datës 17 shtator 2026 , në portalin U-Albania.
F. Procedurat e aplikimit Raundi i dytë, pika 6	Në datat 21 - 23 shtator 2026 , IAL-të, afishojnë dhe publikojnë listat e renditjes së kandidatëve, duke përdorur si element identifikimi vetëm ID-në e tyre të maturës, në mënyrë që të respektohen përcaktimet e kuadrit ligjor për mbrojtjen e të dhënave personale. Brenda datës 23 shtator 2026 , IAL ngarkojnë një kopje elektronike të këtyre listave në portalin U-Albania.
G. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i Dytë	
G. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i dytë, pika 1	Brenda datës 11 shtator 2026 , QSHA i përcjell RASH-it, në formë elektronike dhe zyrtarisht, të dhënat për çdo kandidat, të përcaktuara në pikën 1, kreu II/G të udhëzimit nr.12, datë 30.06.2023, i ndryshuar.
G. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i dytë, pika 2	Në datën 18 shtator 2026 , IAL shkarkojnë nga portali U-Albania, për çdo program studimi të ofruar nga ana e tyre të dhënat e përcaktuara në pikën 2, kreu II/G të udhëzimit nr.12, datë 30.06.2023, i ndryshuar.
G. Përcjellja e të Dhënave dhe Rezultateve, Procesi i Përlllogaritjes së Pikëve dhe Publikimi i Listave të Kandidatëve, Raundi i dytë, pika 4	Në datat 21 - 23 shtator 2026 , IAL afishojnë dhe publikojnë listat e renditjes së kandidatëve, duke përdorur si element identifikimi vetëm ID-në e tyre, në mënyrë që të respektohen përcaktimet e kuadrit ligjor për mbrojtjen e të dhënave personale. Brenda datës 23 shtator 2026 , IAL ngarkojnë një kopje elektronike të këtyre listave në portalin U-Albania.
H. Procesi i Regjistrimit. Raundi i Dytë	
H. Procesi i Regjistrimit Raundi i dytë, pika 2	Në datat 25 shtator deri 04 tetor 2026 (5 faza 48-orëshe; 25-26; 27-28; 29-30, 01-02 dhe 03-04), kandidatët që kanë kryer procesin e aplikimit në raundin e dytë dhe janë shpallur fitues, kryejnë procesin e regjistrimit pranë IAL, me dokumentacion në sekretaritë mësimore, në programin e studimit ku dëshirojnë të vazhdojnë studimet.
H. Procesi i Regjistrimit Raundi i dytë, pika 7	Brenda datës 19 tetor 2026 , RASH përcjell në QSHA, në format shkresor dhe elektronik, regjistrimet përfundimtare të raundit të dytë, me të dhënat e përcaktuara në pikën 7, germa "H", kreu II të udhëzimit nr.12, datë 30.06.2023, i ndryshuar.
I. Procesi i Çregjistrimit. Raundi i Dytë	

I. Procesi i Çregjistrimit Raundi i dytë, pika 1	Kandidati, pasi ka bërë regjistrimin me dokumentacion dhe ka nënshkruar në regjistër, ka të drejtë të çregjistrohet në datat 5 tetor 2026 .
I. Procesi i Çregjistrimit Raundi i dytë, pika 2	Sekretaritetë mësimore, në përfundim të procesit të çregjistrimit të kandidatëve dhe dorëzimit të dokumentacionit, përcjellin në portalin U-Albania, listën e kandidatëve të çregjistruar në format elektronik, brenda datës 07 tetor 2026 .

J. Procedura e Aplikimit dhe Regjistrimit të Kandidatëve pas Raundit të Dytë

J. Procedura e Aplikimit dhe Regjistrimit të Kandidatëve të pas Përfundimit të Raundit të Dytë, pika 1	Pas përfundimit të raundit të dytë IAL-të brenda datës 6 tetor 2026 përcaktojnë me vendim të Senatit Akademik, programet e studimit që nuk aktivizohen në atë vit akademik për shkak se nuk plotësojnë numrin minimal të studentëve të regjistruar për aktivizimin e programit, sipas parashikimeve në aktet e brendshme të IAL-ve. Vendimi i njoftohet ministrisë përgjegjëse për arsimin, QSHA-së dhe studentëve të regjistruar në këto programe, afishohet në mjediset e tyre dhe publikohet në faqen e tyre zyrtare. Sekretaritetë mësimore kryejnë çregjistrimin e këtyre studentëve në datat 07 tetor 2026 .
J. Procedura e Aplikimit dhe Regjistrimit të Kandidatëve të pas Përfundimit të Raundit të Dytë, pika 2	Kandidatët e çregjistruar sipas pikës 1 dhe kandidatët që janë pjesë e portalit U-Albania që rezultojnë të pa regjistruar në asnjë program studimi, kanë të drejtën e regjistrimit në programe studimi ku ka kuota të paplotësuara në të gjitha IAL-të, pavarësisht aplikimeve në raundet e mëparshme, në periudhën 08 – 21 tetor 2026 . Sekretaritetë mësimore kryejnë regjistrimin e këtyre studentëve brenda datës 21 tetor 2026 në portalin U-Albania.
J. Procedura e Aplikimit dhe Regjistrimit të Kandidatëve të pas Përfundimit të Raundit të Dytë, pika 3	Brenda datës 14 nëntor 2026 , RASH përcjell në QSHA, në format shkresor dhe elektronik , regjistrimet përfundimtare të raundit të dytë, me të dhënat e përcaktuara në pikën 3, germa “J”, kreu II të udhëzimit nr.12, datë 30.06.2023, i ndryshuar.

Kreu IV, V, VI, VII, VIII, IV/6

<i>Nr.</i>	<i>Referenca në Udhëzim</i>	<i>Afatet e përfundimit dhe datat e realizimit</i>
KREU IV: PROCEDURAT E PRANIMIT DHE TË REGJISTRIMIT TË KANDIDATËVE QË APLIKOJNË PËR TRANSFERIM TË STUDIMEVE DHE PËR PROGRAM TË DYTË STUDIMI, NË PROGRAMET E STUDIMEVE ME KARAKTER PROFESIONAL, NË PROGRAMET E CIKLIT TË PARË TË STUDIMEVE, SI DHE NË PROGRAMET E INTEGRUARA TË STUDIMEVE TË CIKLIT TË DYTË, NË INSTITUCIONET E ARSIMIT TË LARTË		
1	Kreu IV, pika 1	Kandidati që kërkon të ndjekë studimet në një program të dytë studimi apo të transferojë studimet, në programet e studimeve me karakter profesional, në programet e studimeve të ciklit të parë, si dhe në

		programet e integruara të studimeve të ciklit të dytë, ka të drejtë të aplikojë deri në 5 (pesë) programe studimi pranë institucioneve të arsimit të lartë, në datat 01 – 12 shtator 2026 .
2	Kreu IV, pika 10	IAL-të shpallin në vende të dukshme listat e kandidatëve që kanë aplikuar për transferim studimesh dhe ato të kandidatëve që kanë aplikuar për program të dytë studimi, brenda datës 17 shtator 2026 .
3	Kreu IV, pika 11	Çdo aplikim për transferimin e studimeve dhe për program të dytë studimi shqyrtohet nga komisioni i ngritur për këtë qëllim nga IAL-ja brenda datës 23 shtator 2026 .
4	Kreu IV, pika 12	IAL-të, për çdo program studimi që ofrojnë, publikojnë listën me renditjen e kandidatëve brenda datës 24 shtator 2026 .
5	Kreu IV, pika 14	IAL-të shpallin listat përfundimtare me renditjen e kandidatëve, në faqet elektronike zyrtare dhe në mjediset e tyre, brenda datës 26 shtator 2026 .
6	Kreu IV, pika 15	Regjistrimi i kandidatit, i cili paraqitet personalisht ose nëpërmjet personit të autorizuar prej tij kryhet pranë sekretarive mësimore në datat 06 – 10 tetor 2026 . Kuotat e paplotësuara plotësohen me kandidatët e renditur sipas pikëve të fituara pas vijës së kuqe në listë, brenda datës 17 tetor 2026 .
KREU V: PROCEDURAT E APLIKIMIT DHE TË REGJISTRIMIT TË KANDIDATËVE NGA REPUBLIKA E KOSOVËS, KANDIDATËVE ME ORIGJINË SHQIPTARE NGA MAQEDONIA E VERIUT, MALI I ZI, PRESHEVA, MEDVEGJA DHE BUJANOVCI, KANDIDATËVE ME STATUSIN E PERSONIT ME AFTËSI TË KUFIZUAR, ME STATUSIN E JETIMIT, SI DHE TË KANDIDATËVE TË KOMUNITETIT ROM DHE EGJIPTIAN, NË PROGRAMET E STUDIMEVE ME KARAKTER PROFESIONAL, , NË PROGRAMET E CIKLIT TË PARË TË STUDIMEVE, SI DHE NË PROGRAMET E INTEGRUARA TË STUDIMEVE TË CIKLIT TË DYTË, NË INSTITUCIONET E ARSIMIT TË LARTË		
7	Kreu V, pika 1	Kandidatët nga Republika e Kosovës, me origjinë shqiptare nga Maqedonia e Veriut, Mali i Zi, Presheva, Medvegja dhe Bujanovci, kandidatët me statusin e personit me aftësi të kufizuar, me statusin e jetimit, si dhe kandidatët e komunitetit rom dhe egjiptian, aplikojnë pranë IAL-ve, në datat 02 – 13 shtator 2026 , në programet e studimit ku janë parashikuar kuotat përkatëse nga IAL-të.
8	Kreu V, pika 2	Kandidatët që aplikojnë në programe studimi për të cilat është parashikuar konkurs pranimi, aplikojnë pranë IAL-ve respektive, deri më datën 12 shtator 2026 . Konkursset e pranimi zhvillohen më datë 16 shtator 2026 .

9	Kreu V, pika 10	IAL-të kryejnë procesin e përzgjedhjes së kandidatëve fitues në bazë të kriterëve të përcaktuara nga ana e tyre, si dhe për çdo program studimi që ofrojnë, ato publikojnë listat e renditjes së kandidatëve dhe formulën/mënyrën e përzgjedhjes. Gjithashtu, IAL-të në datën 18 shtator 2026 publikojnë në mjedise të dukshme dhe faqen e tyre elektronike zyrtare listën paraprake të fituesve, duke respektuar përcaktimet e kuadrit ligjor për mbrojtjen e të dhënave personale.
10	Kreu V, pika 12	IAL-të shpallin listat përfundimtare të kandidatëve fitues të identifikuar me ID-në e kandidatit, në faqet elektronike zyrtare dhe në mjediset e tyre, në datën 26 shtator 2026 , duke respektuar përcaktimet e kuadrit ligjor për mbrojtjen e të dhënave personale.
11	Kreu V, pika 13	Kandidatët regjistrohen vetëm në njërin nga programet e studimit ku janë shpallur fitues në periudhën 26 shtator 2026 deri më 03 tetor 2026 .
12	Kreu V, pika 14	Pas datës 4 tetor 2026 , sekretaritetë mësimore në njësitë kryesore të IAL-ve, për kuotat e paplotësuara njoftojnë kandidatët të renditur sipas listës së shpallur, të cilët nuk janë regjistruar në një program tjetër studimi, me përjashtim të nxënësve dhe studentëve të shkëlqyer.
13	Kreu V, pika 15	IAL-të brenda datës 10 tetor 2026 përfundojnë regjistrimin e të gjithë kandidatëve fitues sipas dokumenteve të dorëzuar në momentin e aplikimit.
KREU VI		
PROCEDURAT E APLIKIMIT DHE TË REGJISTRIMIT TË KANDIDATËVE ME DIPLOMË TË HUAJ TË SHKOLLËS SË MESME, NË PROGRAMET E STUDIMEVE ME KARAKTER PROFESIONAL, NË PROGRAMET E CIKLIT TË PARË TË STUDIMEVE, SI DHE NË PROGRAMET E INTEGRUARA TË STUDIMEVE TË CIKLIT TË DYTË, NË INSTITUCIONET E ARSIMIT TË LARTË		
14	Kreu VI, pika 1	Të gjithë kandidatët me diplomë të huaj të arsimit të mesëm të lartë, që dëshirojnë të ndjekin studimet në programet e studimeve me karakter profesional, në programet e studimeve të ciklit të parë, si dhe programet e integruara të studimeve të ciklit të dytë në IAL, aplikojnë pranë institucioneve të arsimit të lartë, sipas afateve të përcaktuara nga IAL-të, për çdo vit akademik, në programet e studimit ku janë parashikuar kuotat përkatëse nga IAL-ja.
15	Kreu VI, pika 9	IAL-të kryejnë procesin e përzgjedhjes së kandidatëve fitues në bazë të kriterëve të përcaktuara nga ana e tyre. IAL-të, për çdo program studimi që ofrojnë, publikojnë listat e renditjes së kandidatëve dhe formulën/mënyrën e përzgjedhjes. IAL-të sipas afateve të përcaktuara nga ana e tyre publikojnë në

		mjedise të dukshme dhe faqen e tyre elektronike zyrtare listën paraprake të fituesve, duke respektuar përcaktimet e kuadrit ligjor për mbrojtjen e të dhënave personale.
16	Kreu VI, pika 11	IAL-të shpallin listat përfundimtare të kandidatëve fitues, në faqet elektronike zyrtare dhe në mjediset e tyre, sipas afateve të përcaktuara nga ana e tyre, duke respektuar përcaktimet e kuadrit ligjor për mbrojtjen e të dhënave personale.
17	Kreu VI, pika 12	Kandidatët regjistrohen vetëm në njërin nga programet e studimit ku janë shpallur fitues sipas afateve të përcaktuara nga ana e IAL-ve. Regjistrimi i kryer konsiderohet përfundimtar dhe kandidati nuk mund të heqë dorë për tu regjistruar në një program tjetër studimi.
18	Kreu VI, pika 13	Sipas afateve të përcaktuara nga ana e IAL-ve, sekretaritë mësimore në njësitë kryesore të IAL-ve për kuotat e paplotësuara njoftojnë kandidatët të renditur sipas listës së shpallur, të cilët nuk janë regjistruar në një program tjetër studimi, me përjashtim të nxënësve dhe studentëve të shkëlqyer. Kandidatët e shpallur fitues dhe të regjistruar në një program tjetër studimi nuk ftohen për të plotësuar këto kuota.
KREU VII		
PRANIMET NË CIKLIN E DYTË TË STUDIMEVE “MASTER PROFESIONAL” DHE “MASTER I SHKENCAVE/MASTER I ARTEVE”		
19	Kreu VII, pika 1	Aplikimet në programet e studimit të ciklit të dytë, me përjashtim të programeve të integruara të ciklit të dytë, për të gjitha kategoritë e kandidatëve, për çdo vit akademik të bëhen pranë sekretarive mësimore të njësisë kryesore, në IAL, deri më datë 05 tetor 2026 .
20	Kreu VII, pika 3	Brenda datës 19 tetor 2026 IAL-të afishojnë listat e kandidatëve fitues në vende të dukshme, në mjediset e njësisë kryesore përkatëse, si dhe në faqet elektronike zyrtare (web) të IAL-së, të ndarë sipas programeve të studimit përkatës, të renditur sipas rendit zbritës të pikëve të grumbulluara nga kandidatët, në përputhje me kuotat e pranimeve, të miratuara.
21	Kreu VII, pika 5	Regjistrimi i kandidatëve në programet e studimit ku janë shpallur fitues të zhvillohet pranë sekretarive mësimore përkatëse të IAL-ve deri më 9 nëntor 2026 .
22	Kreu VII, pika 6	IAL-ja shpall në vende të dukshme dhe publikon në faqen e saj elektronike zyrtare (web), listën emërore të kandidatëve të regjistruar brenda datës 13 nëntor 2026 .

KREU VIII		
PROCEDURAT E PRANIMIT DHE TË REGJISTRIMIT TË KANDIDATËVE QË APLIKOJNË PËR TRANSFERIM TË STUDIMEVE DHE PËR PROGRAM TË DYTË STUDIMI, NË PROGRAMET E CIKLIT TË DYTË TË STUDIMEVE, NË INSTITUCIONET E ARSIMIT TË LARTË		
23	Kreu VIII, pika 1	Kandidatët që kërkojnë të transferojnë studimet në programet e ciklit të dytë të studimeve apo të ndjekin një program të dytë studimi, me përjashtim të programeve të integruara të studimit, aplikojnë pranë IAL-ve, deri më 05 tetor 2026 .
24	Kreu VIII, pika 11	Për programet e studimit që parashikojnë konkurs për pranimin e kandidatëve, konkurrimi zhvillohet pranë IAL-së përkatëse në datat e deklaruara nga IAL-ja respektive, bazuar në aplikimet e paraqitura nga kandidatët deri në 06 tetor 2026 .
25	Kreu VIII, pika 15	IAL-ja shpall listat e kandidatëve që kanë aplikuar për transferim studimesh dhe ato të kandidatëve që kanë aplikuar për program të dytë studimi në vende të dukshme brenda datës 06 tetor 2026 .
26	Kreu VIII, pika 16	Aplikimet për transferimin e studimeve dhe për program të dytë studimi shqyrtohen nga komisioni/komisionet i/e ngritur/a për këtë qëllim nga IAL-ja brenda datës 12 tetor 2026 .
27	Kreu VIII, pika 17	IAL-të, për çdo program studimi që ofrojnë, publikojnë listat me renditjen e kandidatëve brenda datës 16 tetor 2026 .
28	Kreu VIII, pika 19	IAL-të shpallin listat përfundimtare me renditjen e kandidatëve, në faqet elektronike zyrtare dhe në mjediset e tyre, brenda datës 13 tetor 2026 .
29	Kreu VIII, pika 20	Regjistrimi i kandidatit, i cili mund të paraqitet personalisht ose nëpërmjet personit të autorizuar prej tij, kryhet pranë sekretarive mësimore në periudhën 19 - 23 tetor 2026 . Kuotat e paplotësuara plotësohen me kandidatët e renditur sipas pikëve të fituara pas vijës së kuqe, brenda datës 30 tetor 2026 .
KREU IX		
PRANIMET NË CIKLIN E TRETË TË STUDIMEVE “MASTER EKZEKUTIV”		
30	Kreu IX, pika 1	Aplikimet në programet e studimit të ciklit të tretë “Master ekzekutiv” bëhen pranë sekretarive mësimore të njësive kryesore, në IAL-të, deri më datë 05 tetor 2026 .
31	Kreu IX, pika 2	Brenda datës 16 tetor 2026 , IAL-të shpallin dhe afishojnë listat e kandidatëve fitues në vende të dukshme, në mjediset e njësive kryesore përkatëse, si dhe në faqet elektronike zyrtare (web) të IAL-së, të ndarë sipas programeve të studimit përkatës, të renditur sipas rendit zbritës të pikëve të grumbulluara

		nga aplikantët, në përputhje me kuotat e pranimeve, të miratuara.
32	Kreu IX, pika 4	Regjistrimi i kandidatëve në programet e studimit ku janë shpallur fitues të zhvillohet pranë sekretarive mësimore përkatëse të IAL-ve përkatësisht deri më 9 nëntor 2026 .
33	Kreu IX, pika 5	IAL-ja shpall në vende të dukshme dhe publikon në faqen e saj elektronike zyrtare (web), listën emërore të kandidatëve të regjistruar brenda datës 13 nëntor 2026 .
34	Kreu IX, pika 12	Për programet e studimit që parashikojnë konkurs për pranimin e kandidatëve, konkurrimi zhvillohet pranë IAL-së përkatëse në datat e deklaruara nga IAL-ja respektive, bazuar në aplikimet e paraqitura nga kandidatët deri në 06 tetor 2026 .